


**JAVNA USTANOVA DOM ZDRAVLJA  
KANTONA SARAJEVO  
GENERALNI DIREKTOR  
BROJ: 01-05-349-3/17  
DANA, 03.02.2017. GODINE  
SARAJEVO, VRAZOVA 11**



**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINA ILIJAŠ  
UL. 126. ILIJAŠKE BRIGADE BR. 6  
71380 ILIJAŠ**

**Predmet: Dostava primjerka odgovora na vijećničko pitanje**

U prilogu akta, dostavljamo Vam primjerak odgovora na vijećničko pitanje, koji je obrađen od strane pomoćnika generalnog direktora za medicinske poslove JU Dom zdravlja Kantona Sarajevo.

**S poštovanjem!**

**Dostaviti:**

- Naslovu s prilogom
- Pomoćnik gen.direktora  
za medicinske poslove
- Direktor OJ DZ Ilijaš
- SPKOP
- a/a

**GENERALNI DIREKTOR**

Mr.med.sci.prim.dr. Fuad Husić  
spec. porodične/obiteljske medicine



JU Dom zdravlja Kantona Sarajevo  
Kabinet generalnog direktora  
Pomoćnik ge.direktora za medicinske poslove  
Broj protokola: 01-03-349-2/17  
Sarajevo, 20.01.2017.g.

*01-03-349-2/17*  
*01.01.2017.*

**N/R GENERALNOG DIREKTORA**  
**Mr si med prim dr Fuada Husića**  
**spec.porodične/obiteljske medicine**

**PREDMET:** Dostava odgovora na vijećničko pitanje

Povodom dopisa pomoćnice načelnika Općine Ilijaš, Gosp. Sanje Zagorac- Jozić Broj 07-37-sl/17 od 05.01.2017.godine, a vezano za vijećničko pitanje gosp. Halida Dizdarevića dostavljam Vam sljedeće objašnjenje:

Na samom početku želim da kažem da je direktor OJ DZ Ilijaš Prim DrNijaz Šitkovac, vrlo je aktivan u iznalaženju problema, jer je u par navrata dostavljao pismene i usmene zahtjeve za rješavanje za njega vrlo bitnog problema nedostatnog kadra. Problem prijema nedostatnog kadra se vrši strogo pod kontrolom ministarstva zdravstva i Vlade KS. Međutim za prijem specijalista radiologa i neurologa imamo otvoren put, ali upravo ovog kadra na tržištu nema.

Menadžment JU DZ KS takođe svake godine planira specijalizacije prema planu odlazaka u penziju postojećih specijalista. Na specijalizaciji iz UZ i RTG dijagnostike su trenutno tri doktora, od kojih se jedan prema našem Planu specijalizacija vraća sa specijalizacije 06.02.2017., ostala dva 2019. i 2020 godine. Iz neurologije nema niko na specijalizaciji, jer nije bilo potrebe u godini kada je raspisivan konkurs. U međuvremenu jedan kolega neurolog je na žalost iznenada preminuo, jedan kolega neurolog je napustio JU DZ KS.

Inače, na nivou Kantona Sarajevo zdravstvena zaštita se planira prema važećim normativima, tj za svaku vrstu djelatnosti postoji tačno određen broj osiguranika po jednom timu, Odluka o utvrđivanju većeg obima prava, kao i osnovama i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja KS(2009)

**Prema konačnim podacima zadnjeg popisa iz 2013.godine Kanton Sarajevo broji 413 593, a općina Ilijaš ima 19603 stanovnika.**

Važeći normativ za jednog ultrasoničara je 40000 osiguranika po jednom timu a za radiodijagnostiku 30000 osiguranika po jednom timu.

**Za potrebe stanovnika KS prema važećem normativu treba 11 ultrasoničara i 14 radiodijagnostičara, u koliko se radi kompletna radiodijagnostika.**

U JUDZKS je na evidenciji 14 specijalista za UZ i RTG dijagnostiku od kojih je jedan na dugom bolovanju zbog ozbiljne dijagnoze, jedan je trenutno na bolovanju zbog ozbiljne operacije, iako je radio do zadnjeg dana pred operaciju.

Menadžment JU DZ KS je svjestan da nema dovoljno specijalista za RTG i UZ dijagnostiku, iako ulaže maksimalne napore da savlada sve probleme vezano za pravovremeno pružanje te vrste zdravstvenih usluga.

Obzirom da je nestašica tog kadra uopšte na tržištu, što potvrđuju bezuspješno raspisivani konkursi menadžment JU DZ KS je odobrio svim kolegama specijalistima za UZ i RTG dijagnostiku koji su bili zainteresirani prekovremeni rad od 7,5 sati sedmično, prema Zakonu o radu, kako bi makar malo smanjili liste čekanja na nivou cijelog Kantona Sarajevo pa i općine Ilijaš. To je dalo značajne rezultate jer je lista čekanja značajno skraćena posebno u nekim

organizacionim jedinicama. U OJ DZ Stari grad, Novo Sarajevo, Novi grad, Iliđa dužina čekanja 5 dana do mjesec dana na UZ pretrage, a na RTG snimanja se uopšte ne čeka osim u OJ DZ Ilijaš, te u još dvije organizacione jedinice 5-15 dana, zbog kvara na aparatu.

Prema važećem normativu organizacionoj jedinici OJ DZ Ilijaš pripada pola radnog vremena ultrasoničara i 2/3 radiodijagnostičara.

Koleginica DrSarić Seada koja je sad raspoređena u OJ DZ Ilijaš, radila je tri dana a od 01.02.2017 godine radit će dva dana, jedan dan će raditi DrEno Gljiva. Obzirom da je DrEno Gljiva u OJ DZ Vogošća, dolazit će jedan dan sedmično, a odobren mu je i prekovremeni rad 7,5 sati sedmično u što može planirati i pacijente iz općine Ilijaš.

Očekujemo povratak sa specijalizacije još jedne koleginice već u februaru 2017 godine tako da će se stvoriti uslovi da još kvalitetnije rasporedimo kadar i skratimo vrijeme čekanja na ove zdravstvene usluge i u OJ DZ Ilijaš.

Analizom dnevnog prosjeka pacijenata evidentno je da je koleginica imala 14-15 ultrazvučnih pregleda i 6 do 8 očitavanja RTG snimaka. Analizom dužine čekanja na UZ pregled i RTG snimak evidentno je da niko ozbiljno bolestan ne čeka, niti jedno dijete se ne vraća, odmah se prima, svi hitni i onkološki slučajevi, takođe RVI. Ubacuju se svi za koje se smatra da ne smiju čekati između termina. Za čekanje dva mjeseca su obično planirane kontrole koje će biti u tom nekom periodu, neka hronična stanja koja se ne mogu posebno promijeniti i slično.

**Znači strogo se vodi računa o uputnoj dijagnozi medicinskim indikacijama za svaki UZ ili RTG pregled, svi hitni se primaju odmah, sva djeca, onkološki slučajevi i RVI.**

Što se tiče neurologa važeći normativ je 80000 osiguranika po jednom timu. Imali smo raspoređenog neurologa u OJ DZ Ilijaš, međutim, on nas je napustio zbog odlaska u Opću bolnicu Sarajevo. Menadžment JU DZ KS nastoji da riješi taj nedostatak specijaliste, ali su i oni deficitarni. U JU DZ KS trenutno radi 6 neurologa, tako da će se jedan neurolog prerasporediti jedan dan u OJ DZ Ilijaš kako bi pružao na licu mjesta zdravstvene usluge ove vrste i stanovnicima vaše općine. Za ostale dane u slučaju hitnosti zdravstvene usluge se mogu dobiti bez problema u OJ DZ Centar.

**Centri za mentalno zdravlje JU DZ KS su akreditirani prema normativu kadra i sastavu tima iz Projekta Centri mentalnog zdravlja Federalnog ministarstva zdravstva. Normativ za jedan CMZ je 44000 osiguranika po timu, što bi za OJ DZ Ilijaš značilo pola radnog vremena ili 2,5 dana sedmično jedan psihijatar i jedan psiholog svaki dan. CMZ Ilijaš nije akreditiran upravo zbog nedostatnog kadra u tom centru. Obzirom da nema viška kadra u ostalim centrima bit će upućen prijedlog prema ministrici zdravstva za prijem jednog diplomiranog psihologa kojim bi upotpunili sastav CMZ tima. Tad bi se stvorili uslovi za akreditaciju što nam je važan zadatak u ovoj godini.**

S poštovanjem,

Pomoćnica gen. Dir. za medicinske poslove  
Prim DrDženana Tanović, spec opće medicine

Dostaviti: Naslovu  
Direktoru OJ DZ Ilijaš  
a/a